

序



縣之有志卽古外史之遺  
也其所記載不越提封四  
境之中而實能備國史之  
所未盡凡砥世風礪士志

長清縣志

序

標淑慝於旣往昭勸戒於  
將來者悉於是乎在余自  
涖清之初固已矢志纂輯  
但以簿書鞅掌遲久未舉  
邇奉 部文徵取天下志

書將開館纂脩以備昭代  
文獻此誠千古一時也余  
乃覓清志遺稿於二三故  
家咸謂兵燹之後蕩然無  
存僅獲斷簡殘編一冊中

多不可辨識蓋創始於萬  
曆乙未爲汝南李公所裁  
定者迄今八十餘年雖山  
川星野無所移易至於建  
置有沿革乎田賦有荒蕪乎

祀有廢興官師有遷轉選  
舉之時盛時衰人物之或  
臧或否藝文之爲繁爲簡  
天時之示災示祥後事未  
登前紀多變况世代更新

其間革以善因損以濟益  
者謨猷率多異舊及今不  
圖將世遠人湮老成凋謝  
後起者雖欲操觚從事勢  
必有所更難遂延邑中紳

衿七人文望素著者者聞局  
哀集且宜論耆老各抒見  
聞凡有禪於

廟謨民風者罔不搜羅編  
入務使缺畧咸輯今昔備  
載上以佐

聖朝潤色太平之治下以  
殫守土振厲風化之心卽  
後有加意茲邑者循跡以  
議政酌勢以宜民亦將披

斯志而有所折衷也夫  
康熙十一年歲次壬子季  
冬上浣

文林郎知長清縣事上白燕  
保定縣岳之嶺譔



清邑舊無志也志之作自汝南  
李公始而邑薦紳董惟源實司  
厥事其所叅詳紀載一宗史藪  
誠足以彰往訓來而爲萬世之  
麟紀也自是之後生茲土者率

羈身於皇路宰此邑者多嬰情  
於簿書近今事跡槩付闕如其  
間懿行芳躅湮沒而不彰者殆  
八十餘年矣幸遇

國朝首崇文獻而邑宰岳侯復  
加意斯文毅然以續脩爲已

不以吾輩之固陋而託以從惠  
思吾等邑人也叙邑志卽不文  
義不得辭乃受帙卒業凡失次  
者序之殘缺者補之幽隱者復  
博詢之耆碩以廣聞見之所不  
及文省於舊事核於今甫閱月  
而釐訂成帙以付剞劂氏匪曰

載故實列品彙具形勝紀藝文  
以資博識而備談藪已也凡清  
之所以化民於前與所以待治  
於後者悉畢然具是矣但吾清  
素習簡樸多務實而不務名聞

有實德隱逸出於採訪之外者  
諒自不乏則踵事增華惟俟後  
起之君子云爾

邑人徐繼曾謹識

孫之鸞

問士敬繕寫

董坦如

長清縣知縣岳之嶺總裁

儒學訓導李秉中閱梓

典史陳國楫閱梓

邑人板貢徐繼自纂輯

恩貢郭金城全編

廩生張繩校正

廩生蕭巖校正

廩生劉芳以校正

郡廩生張四教採訪

邑庠生李紹前採訪

長清縣志目錄

圖考 四境圖 城池圖 縣治圖 學宮圖

地里 沿革 山川 分界 疆域 風俗 形勝

建置 城池 郵舖 公署 橋梁 行署 橋樑 物產 衙署

學校

祠祀 增廟 寺觀 陵墓

賦役 里社 鹽課 戶口 土田 賦稅

官師 縣尹 教諭 縣丞 主簿 典史

選舉 薦辟 武職 封贈 科甲 歲貢 例監

長清縣志 目錄

循良

人物 賢哲 隱逸 孝義 僊釋

列女

古蹟

藝文上

藝文下

雜述 技術 災祥

河防封建宮室流寓俱集


長清縣志

圖考

按周禮大司徒以天下土地之圖周知地域廣輪之數辨其名物則圖之由來尚矣清邑之地西抵山莊南接肥子東極秦岱北通祝阿周圍四百餘里左則山峙右則河環固亦名勝區也但邇來七路交衝而驛新設官吏疲于奔命百姓困于徵輸且城郭雖舊陵谷半移以昔視今大相懸絕若欲洞覽遐邇觸目警心亦將閱斯圖而重有所感矣


長清縣志

圖





縣 治




長清縣志




三

圖



宮

學




長清縣志

圖

四


圖

之



圖

文



長清縣志卷之一

地理志

沿革

長清縣古盧子國地屬禹貢兗州之域周為古盧比  
大清河甚邇而鎮亦名清春秋傳齊鄭尋盧之盟又  
哀公十一年春高無平帥師伐我及清皆謂此也自  
春秋以前俱相因不改但清為蕞爾一鎮附于盧耳  
秦屬東郡西漢屬縣地屬泰山郡東漢屬濟北國晉  
仍舊南北朝俱屬濟北郡隋始析盧長清鎮置縣名  
長清縣志

卷之一

屬濟北郡唐仍之武德初析置山莊平天寶元年改  
山莊曰豐齊元和十五年省入屬齊州濟南郡五代  
仍長清縣盧縣省入宋仍長清縣屬京東東路濟南  
府至道二年徙治刺榆店即今治金仍長清縣屬濟  
南府元仍長清縣改屬泰安州明山東布政司濟南  
府長清縣編戶四十一里增四十四里

國朝因之

分野

按唐宋天文志地理圖經皆云齊之分野在元枵之

次元枵所屬旬女宿二度起女宿入元枵十度半又  
虛宿十度入危十度止共二十九度半長清居齊西  
南境是在危宿九度十度之間也

疆域

長清縣在省城西南七十里西北至京師九百三十  
里東至渴馬庄歷城縣界四千里南至五道嶺肥城  
縣界七十里西至濰州口舖莊平縣界七十里北至  
大清河橋齊河縣界四十里西北至莒鎮保壽城縣  
界六十里東南至界首舖泰安州界一百一十里西  
長清縣志 卷之一 二  
南至牛家集平陰縣界五十里廣一百一十里袤一  
百七十里周四共四百里

形勝

按建國置邑必先形勢四塞方漢史冊稱雄若長清  
地雖彈丸大清河橫亘西北歷數邑而東極于海其  
三河繞邑而會于大清馬鬣馬磧金鼎峙南封而青  
崖諸峯直接泰岱扼塞四固阻山帶河實為齊西南  
一藩籬也

山川